

Ислоҳотлар самаралари ва эзгу мақсадларимиз ижобати



Ўзбекистон Республикаси Президенти Ислом Каримов жойларда амалга оширилаётган бунёдкорлик ва ободонлаштириш ишлари билан танишиш мақсадида 29 сентябрь куни Наманган ва Фарғона вилоятларида бўлди.

Мамлакатимизнинг изчил тараққиёти, инсон манфаатлари йўлида амалга оширилаётган кенг кўламли ислоҳотлар самаралари Наманган вилоятида ҳам ўз ифодасини топмоқда. Вилоят аҳли саноат, кичик бизнес ва хусусий тадбиркорлик, қишлоқ хўжалиги, қурилиш, хизмат кўрсатиш соҳаларида фидокорона меҳнат қилиб, Ватанимизни иқтисодий-ижтимоий ривожлантиришга муносиб ҳисса қўшмоқда.

Шаҳар ва қишлоқларимиз қиёфаси ўзгариб, аҳолининг ҳаёт даражаси юксалиб бораётир. Наманган шаҳридаги Истиқлол кўчасида 8, Бобур кўчасида 16 қўп қаватли турар жой бинолари, кўплаб савдо ва майший хизмат шохобчалари барпо этилди. Наманган халқаро аэропорти, "Яшил" дехқон бозори реконструкция қилинди. Янги йўллар, сўлим хиёбонлар шахар чиройига чирой кўшди.

Вилоядта 2015 йилнинг биринчи ярмида ялпи худудий маҳсулот ҳажми 9,7 фоиз ўсади. Замонавий саноат тармоқларини ташкил этиш ва мавжуд кувватларни модернизация қилиш, кичик бизнес ва хусусий тадбиркорликни ривожлантириш изчил давом этмоқда. 2013-2015 йилларда вилоятни ижтимоий-иқтисодий ривожлантириш дастури доирасида 922 лойиха амалга оширилди.

Президентимиз Наманган вилоятига сафарини Мингбулоқ туманидаги "Барака" фермер хўжалиги билан танишишдан бошлади.

Жорий йилда вилоядта 79 минг гектар майдонда ғалла экилиб, 500 минг тоннага яқин ҳосил қўтарилди. Бугунги кунда 82 минг 600 гектар майдонда етиштирилган пахта йигиб-териб олинмоқда.

Давлатимиз раҳбари раҳнамолигида ерларнинг унумдорлигини ошириш, фермерлик харакатини ривожлантиришга қаратилаётган эътибор самарасини "Барака" фермер хўжалиги мисолида ҳам кўриш мумкин. Фермер хўжалигида бу йил ғалланинг ҳар гектаридан ўртача 65 центнердан ҳосил олинди. Пахта далаларида ҳам юқори ҳосил етиштирилди.

Ислом Каримов мазкур фермер хўжалиги даласида фермерлар билан суҳбатлашди.

Мамлакатимиз қишлоқ хўжалиги учун муҳим мавсум бўлган шу кунларда сизлар билан

дийдор кўришиш, хорманг деб, барчангизга куч-кувват тилаш менга катта мамнуният бағишлайди, деди Президентимиз. Илгари дехқон етиштирган пахтасини тезроқ заводга топширишни, қандай қилиб бўлмасин режани бажаришни ўйларди. Пахтанинг нави, сифати, пахтакорнинг даромади ҳеч кимни қизиқтирмас эди. Бугун сифатли пахта етиштиришдан, уни вақтида йигиб-териб юқори навларга топширишдан аввало фермерларнинг ўзи манфаатдор. Чунки қанча сифатли пахта тайёрласа, шунча кўп даромад топмоқда.

Мулокот чогида мамлакатимизда кичик бизнес ва хусусий тадбиркорлик, фермерлик ривожи учун кенг имкониятлар яратилаётгани алоҳида таъкидланди. Давлатимиз раҳбарининг 2015 йил 15 майдаги "Хусусий мулк, кичик бизнес ва хусусий тадбиркорликни ишончли ҳимоя қилишни таъминлаш, уларни жадал ривожлантириш йўлидаги тўсиқларни бартараф этиш чора-тадбирлари тўғрисида"ги фармони бу борада муҳим ҳуқуқий асос бўлиб хизмат қилмоқда.

Мамлакатимизнинг барча жойларида бўлгани каби Наманган вилоятида ҳам ушбу соҳа жадал равнақ топаётир. Кичик бизнес субъектларининг ялпи худудий маҳсулотдаги улуши 68,5 фоизни ташкил этмоқда. Улар ҳар томонлама қўллаб-қувватланаётгани натижасида ишлаб чиқариш ва уларни экспорт қилиш ҳажми муттасил ошиб бормоқда. Жорий йилнинг биринчи ярмида вилоятдаги кичик бизнес ва хусусий тадбиркорлик субъектлари томонидан 56,3 миллион доллар миқдоридаги маҳсулотлар экспорт қилинди. 17 минг 260 янги иш ўрни яратилди.

Биз мамлакатимиз ижтимоий-иқтисодий ҳаётини барпо этишда шошма-шошарликка йўл қўймадик, маррани ким тезроқ эгаллайди, қабилидаги мусобақаларга қўшилмадик, ўзгалардан нусха олмадик. Чуқур ва пухта ўйланган, машхур беш тамойилга асосланган, жаҳон миқёсида тараққиётнинг "ўзбек модели" деб тан олинган дастурни босқичма-босқич амалга оширидик. Бунинг самарасини мамлакатимиз эришаётган улкан ютуқ ва мэрраларда қўриш мумкин, деди Президентимиз.

Мамлакатимиз иқтисодиёти истиқлол йилларида 5,5 каррадан зиёд ўсгани, аҳолининг реал даромадлари жон бошига 9 марта кўпайгани, глобал молиявий-иқтисодий инқизор давом этётганига қарамасдан, сўнгти ўн бир йил давомида ялпи ички маҳсулотнинг ўсиш ҳажми 8 фоиздан юқори бўлиб келаётгани алоҳида қайд этилди.

Фақат ғалла ва пахта етиштириш билан юксак фаровонликка эришиб бўлмайди, деди Ислом Каримов. Доим изланиш, ўрганиш, дунё билан ҳамқадам бўлиш, янги мэрралар сари интилиш зарур. Қишлоқларда одамларга юқори даромад келтирадиган замонавий саноат корхоналарини кўпайтириш, иқтисодиёт тармоқларини таркибий ўзгартиришни изчил давом эттириш керак.

Илгари ҳавас қилган мақсадларимизга бугун эришмоқдамиз. "Ислоҳот ислоҳот учун эмас, аввало инсон учун, унинг манфаатлари учун" деган эзгу ғоя одамларимиз ҳаётида ўз

ифодасини топмоқда. Бу барчамизга қанот, ўз кучимизга ишонч, айни чоғда қувонч бағишламоқда, деди Юртбошимиз.

Президентимиз Уйчи туманидаги "Обод замин" фермер хўжалиги далаларига ҳам ташриф буюрди.

Мазкур хўжалик ишчилари бу йил ғалладан 75 центнердан хирмон кўтарган. Шу кунларда етиширилган мўл пахта ҳосили йиғиб-териб олинмоқда.

Барча ҳудудларда бўлгани каби Наманган вилоятида ҳам кенг қўламли қурилиш ва ободонлаштириш ишлари амалга оширилмоқда. Кўркам уй-жойлар, таълим ва тибиёт муассасалари, замонавий корхоналар, кенг ва равон йўллар шаҳару қишлоқларимиз киёфасини бутунлай ўзгартириб, халқимиз фаровонлигининг юксалишига хизмат қилмоқда.

Вилоятда ўтган йили 260, бу йил 140 намунавий уй-жой қурилиб, фойдаланишга топширилди. Янги массивларда табиий газ, электр энергияси, ичимлик суви тармоқлари тортилиб, ички йўллар қурилди. Маҳалла гузарлари, савдо ва майший хизмат кўрсатиш шоҳобчалари, спорт мажмуалари бунёд этилди.

Ободлик аввал қалба туғилади – кўнгилдан бошланади. Инсон шуни мақсад қилиб, астойдил харакат қиласа, албатта рўёбга чиқади, деди Юртбошимиз. Бир неча йиллар олдин бошланган намунавий лойиҳалар асосида уй-жойлар қурилиши бугун яхлит индустрияга айланди. Бу уйларда одамлар яйраб яшамоқда. Энг мухими, бундай уйларда яшаётганларнинг дунёқараши ҳам ўзгармоқда. Бизнинг асосий мақсадимиз ҳам халқимизнинг ҳеч кимдан кам бўлмай яшashi, баҳтли ва фаровон ҳаёт кечиришини таъминлашdir.

Буларнинг барчаси мамлакатимиздаги тинчлик ва осойишталик шарофатидир. Айниқса, ёшларимиз ўз олдига аниқ мақсадлар қўйиб, дадил интилаётгани, барча соҳаларда катта ютуқларга эришаётгани халқимиз қалбини ғурурга тўлдираётir.

Халқимизнинг фидокорона меҳнати туфайли қўлга киритилаётган бундай улкан ютуқлардан ҳар биримиз фахрланиб, бошимизни баланд кўтариб яшашга ҳақлимиз, деди давлатимиз раҳбари.



Президентимиз

иккинчи ярмида Фарғона вилоятига ташриф буюрди.

Фарғона вилояти мамлакатимиз ижтимоий-иқтисодий, маданий-маънавий ҳаётида муҳим ўрин тутади.

Ислом Каримов Фарғона шаҳрининг бош режасини амалга ошириш борасидаги ишлар билан танишди.

Давлатимиз раҳбарининг 2011 йил 15 ноябрдаги "Фарғона шаҳрининг бош режасини амалга ошириш, 2012-2015 йилларда ижтимоий ва транспорт-коммунал инфратузилмаси объектларини қуриш ва реконструкция қилиш чора-тадбирлари тўғрисида"ги қарор асосида вилоят марказида кенг кўламли бунёдкорлик ишлари амалга оширилмоқда. Замонавий корхоналар, таълим ва тиббиёт муассасалари, спорт мажмуалари ва стадионлар, йўллар, хиёбонлар бунёд этилаётir.

Қарор ижроси бўйича Фарғона шаҳрининг қиёфасини замонавий шаҳарсозлик талабларига мувофиқ тубдан янгилаш, ижтимоий инфратузилма ҳамда муҳандислик-коммуникация тармоқларини комплекс ривожлантириш ва ободонлаштириш бўйича кенг кўламли ишлар амалга оширилмоқда. Шаҳарда бунёдкорлик, ободонлаштириш, уй-жой коммунал, йўл хўжалиги ва транспорт хизматини, сув, электр энергияси, табиий газ таъминотини сифат жиҳатдан яхшилаш борасида салмоқли ишлар бажарилди.

Бугун мамлакатимизда замонавий шаҳарсозлик соҳасида эришилаётган улкан ютуқлар кўпчиликнинг ҳавасини тортмоқда. Иншоотлар, турар жой бинолари, ижтимоий инфратузилма объектлари, дам олиш ва зиё масканлари қурилишида миллий меъморлик

анъаналари билан замонавий архитектурани уйғунлаштиришга алоҳида эътибор қаратилмоқда. Улар атрофи ландшафт дизайни асосида кўкаламзорлаштирилаётгани ҳар бир ҳудуд қиёфасига ўзгача чирой бағишламоқда.

Ислом Каримов Маргилон шаҳридаги "Наримтекс" қўшма корхонаси фаолияти билан танишиди.

Юртбошимиз раҳнамолигида кичик бизнес ва хусусий тадбиркорликни ривожлантириш, қулай ишбилармонлик муҳити яратиш борасида амалга оширилаётган изчил ишлар самарасида вилоятда мазкур соҳа жадал тараққий этмоқда. Бугунги кунда вилоятда 18 мингдан ортиқ кичик бизнес субъекти фаолият кўрсатиб, уларнинг ялпи худудий маҳсулотдаги улуши 51,2 фоизга етди.

Жорий йилнинг биринчи ярмида вилоятда хорижий инвестиция иштирокида 12 қўшма корхона ташкил этилди. Бунда қўшма корхоналарни модернизация қилиш борасида яратилаётган имтиёз ва кафолатлар ҳам муҳим омил бўлмоқда.

Бу жараёнда пахтани қайта ишлаш ва тикувчиликка ихтисослашган қўшма корхоналар эришаётган ютуқлар диққатга сазовордир. Бугунги кунда вилоятда "Наримтекс", "Индорама Кўқон текстиль", "Фаргона Турон текстиль", "Бешариқтекстиль" сингари илгор технологиялар асосида жихозланган кўплаб корхоналарда халқаро андозаларга мос маҳсулотлар ишлаб чиқарилмоқда. Мазкур корхоналарда тайёрланаётган маҳсулотларга ички ва ташқи бозорда талаб ортиб бормоқда.

"Наримтекс" қўшма корхонасида 2012-2015 йиллар мобайнида ишлаб чиқаришни модернизация қилиш, техник ва технологик янгилаш борасида амалга оширилган кенг кўламли ишлар самарасида Германия, Италия, Туркия ва Хитойда ишлаб чиқарилган энг замонавий бичиш-тўқиши, пардозлаш жихозлари ва тикув машиналари ўрнатилди. Янги иш ўринлари яратилди.

Давлатимиз раҳбарининг 2015 йил 15 майдаги "Хусусий мулк, кичик бизнес ва хусусий тадбиркорликни ишончли ҳимоя қилишни таъминлаш, уларни жадал ривожлантириш йўлидаги тўсиқларни бартараф этиш чора-тадбирлари тўғрисида"ти фармони ва мазкур фармон асосида шу йил 20 августда қабул қилинган қонун тадбиркорлик фаолиятини ишончли ҳимоя қилиш ва жадал ривожлантиришда муҳим хуқукий асос бўлмоқда.

Президентимиз ички ва жаҳон бозорида муносаб ўрин топиш учун мунтазам изланиш, янги-янги маҳсулот турларини ўзлаштириш зарурлигини қайд этди. Бозор коньюктурасини ўрганган ҳолда маҳсулот тайёрлаш, дизайн масалаларига эътиборни кучайтириш, энг асосийси, жаҳон бозорида ўз брендини яратиш лозим.

– Бугун халқимизнинг, айниқса, ёшларимизнинг замонавий кийинишга эҳтиёжи ва талаби

тобора ошиб бормоқда, – деди Ислом Каримов. – Уларнинг ўсиб бораётган талабини юртимизда ишлаб чиқарилган замонавий ва сифатли маҳсулотлар ҳисобидан қондириш муҳим вазифадир. Бунинг учун замонавий корхоналарни янада кўпайтириш, истеъодли, замон ва бозор талабларини чуқур ҳис этадиган моҳир тадбиркорларимизни ҳар жиҳатдан қўллаб-қувватлаш лозим.

Ислом Каримов корхона ишчиларининг хаёти, корхонада яратилган шароитлар билан қизиқди.

Давлатимиз раҳбарининг Фарғона вилоятига сафари давом этмоқда.

ЎзА